



CONCELLO DE MONFERO (A Coruña)

ACTA DA SESIÓN EXTRAORDINARIA CELEBRADA POLA XUNTA DE GOBERNO LOCAL DO CONCELLO DE MONFERO O DÍA OITO DE AGOSTO DE DOUS MIL VINTE E CINCO (28/2025)

Na Casa do Concello de Monfero, ás doce horas e corenta e oito minutos do oito de agosto de dous mil vinte e cinco, en primeira convocatoria, baixo a Presidencia do Primeiro Tenente de Alcalde, D. Alberto Cortizas Rejo, Alcalde en funcións, por enfermidade do Sr. Alcalde, D. Andrés Feal Varela, reúnense os Sres. Concelleiros: D. José Grueiro Torrado e D. Ramón Grueiro Martínez, para o efecto de celebrar a sesión extraordinaria convocada para ese día ás doce horas.

Actúa como secretario o que o é da Corporación, D. Baldomero Beceiro Alonso.

Os asuntos da **orde do día** son os seguintes:

- 1.- Aprobación da acta da sesión do día 31 de xullo de 2025
- 2.- Aprobación dos padróns fiscais do SAF do mes de xullo de 2025
- 3.- Aprobación de certificación de obra rectificadora
- 4.- Expediente de contratación da obra incluída no POS+ 2025, anualidade 2025, nomeada "Modificado proxecto Acondicionamento cuberta patio CPI Virxe da Cela, reposición peches perimetrais e pintado de prazas e acceso" (Tedec 2025/C003/000004)
- 5.- Adxudicación de contratos menores

1.- APROBACIÓN DA ACTA DA SESIÓN DO DÍA 31 DE XULLO DE 2025

O Sr. Alcalde en funcións pregúntalles aos asistentes se teñen que facer algunha alegación á devandita acta, que, como está acordado, se publicou no Taboleiro de Anuncios Electrónico do Concello con anterioridade á convocatoria desta sesión, e non formulan ningunha. O Sr. Alcalde en funcións, ao non facerse ningunha alegación, proclama que a acta da sesión do día 31 de xullo de 2025 se considera aprobada sen ningunha obxección.

2.- APROBACIÓN DOS PADRÓNS FISCAIS DO SAF DO MES DE XULLO DE 2025

O Sr. Secretario-Interventor da conta dos padróns fiscais aos que se refire este punto da orde do día, elaborados pola Intervención sobre a base dos informes previos da Sra. Traballadora Social, e da proposta de acordo da Alcaldía que se transcribe literalmente deseguido e que, como o resto da documentación referida, consta asinada dixitalmente nos correspondentes expedientes electrónicos da aplicación Tedec relacionados con este punto:

"PROPOSTA DA ALCALDÍA



CONCELLO DE MONFERO (A Coruña)

Logo de examinar os padróns fiscais do prezo público polo servizo de axuda no fogar que se indican a continuación, que constan asinados dixitalmente no correspondente expediente electrónico, elaborados pola Secretaría-Intervención a partir dos correspondentes informes da Sra. Traballadora Social do Concello, que tamén constan asinados dixitalmente no correspondente expediente electrónico, e demais documentación relacionada con estes.

Propóñolle a Xunta de Goberno Local a adopción dos seguintes acordos:

1.- Aprobar os padróns fiscais de prezo público do Servizo de Axuda no Fogar do mes xullo de 2025, dependencia e libre concorrência, elaborados pola Secretaría-Intervención do Concello, cos importes, usuarios, e demais datos que constan neles e que se reflicten na táboa que aparece a continuación:

INICIAIS 1ª PERSOA USUARIA	INICIAIS ÚLTIMA PERSOA USUARIA	TOTAL PERSOAS USUARIAS	MODALIDADE SERVIZO	IMPORTE
BNMA	VGJA	37	DEPENDENCIA	2.982,33 €
ALFI	VDL	26	LIBRE CONCORRENCIA	636,26 €

2.- Expoñer ao público os devanditos padróns fiscais, mediante anuncios a publicar no B.O. da Provincia e no taboleiro de anuncios electrónicos municipal, por prazo de quince días hábiles, a contar desde o seguinte ao da publicación do correspondente anuncio no BOP, para que os interesados poidan examinalos no Concello e presentar as reclamacións que consideren convenientes. Con dito anuncio notifícanse colectivamente a todas as persoas contribuíntes incluídas neles, as liquidacións que conteñen, conforme autoriza o artigo 102.3 da Lei 58/2003, do 17 de decembro, xeral tributaria.

3.- O prazo de cobro, en período voluntario, será de dous meses, segundo o artigo 62.3 da Lei xeral tributaria, contados desde o día seguinte ao desta data de aprobación do padrón fiscal pola Xunta de Goberno Local, e, transcorrido este, procederase a esixir os xuros de mora e as recargas que procedan segundo os artigos 26 e 28 da nomeada Lei xeral tributaria e, se fora o caso, as costas derivadas do procedemento de prema.

Canto ao lugar de ingreso e modalidade de cobro, de acordo co previsto na Ordenanza fiscal municipal reguladora deste prezo público, será mediante domiciliación bancaria. Os recibos



CONCELLO DE MONFERO (A Coruña)

enviaranse para o seu cargo nas contas bancarias designadas polas persoas contribuíntes entre os días 10 e 12 de setembro de 2025.

4.- Contra este acordo e as liquidacións aprobadas, os/as interesados/as poderán interpoñer preceptivamente recurso de reposición, perante a Xunta de Goberno Local, no prazo dun mes, contado desde o día seguinte ao de finalización do período de exposición pública dos correspondentes padróns, que se entenderá desestimado se non se resolvera de maneira expresa no prazo dun mes, e, contra o seu rexeitamento, recurso contencioso administrativo, perante o Xulgado do Contencioso-Administrativo, no prazo de dous meses desde a notificación da resolución do recuso de reposición, se é expresa, e no prazo de seis meses desde que se produza a desestimación presunta se non o fose.

O Alcalde en funcións, Alberto Cortizas Rejo"

A Xunta de Goberno local, por delegación da Alcaldía, toma razón e, por unanimidade, acorda aprobar a proposta, quedando adoptados os acordos que se propoñen nela.

3.- APROBACIÓN DE CERTIFICACIÓN DE OBRA RECTIFICADA

O Sr. Secretario-interventor dá conta do requirimento recibido, da certificación de obra rectificadora, documentación anexa, resto de documentación deste expediente e da proposta de acordo da Alcaldía con respecto a este punto da orde do día que, como o resto da documentación, consta asinada dixitalmente nos correspondentes expedientes electrónicos relacionados con este punto, e que se transcribe literalmente deseguido:

"PROPOSTA DE ACORDO QUE FORMULA A ALCALDÍA

APROBACIÓN DE CERTIFICACIÓN DE OBRAS RECTIFICADA

Exp. 2024/C003/000002

Logo de ver o requirimento formulado pola Axencia Galega de desenvolvemento Rural, sobre a documentación xustificativa da anualidade 2025 correspondente ao proxecto nomeado, ACONDICIONAMENTO DE CAMIÑOS EN ALTO XESTOSO (de Graña a Portomuros e de Portomuros a Muros), e a certificación de obra terceira e última rectificadora, elaborada de conformidade co requirido para o efecto de emendar o defecto detectado, co mesmo importe e por tanto sen efectos económicos, pero na que a relación valorada reflicte acumuladamente a totalidade da obra executada, no sitio da anterior, que só relacionaba as obras realizadas no 2025, propóñolle a Xunta de Goberno Local a adopción dos seguintes acordos:

1. Aprobación da certificación de obra terceira e última rectificadora da obra nomeada, ACONDICIONAMENTO DE CAMIÑOS EN ALTO XESTOSO (de Graña a Portomuros e de Portomuros a Muros), expedida con data 04/08/2025 por D. Antonio López Rodríguez, Arquitecto Director das Obras, e executada polo contratista, Construcciones Leonardo

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

Miguélez, S.L., correspondente á anualidade de 2025 e co mesmo importe total que a anterior: 44.344,08€.

2. Remítela á Xunta de Galicia, a través da sede electrónica, para o trámite correspondente.

O alcalde en funcións, Alberto Cortizas Rejo"

A Xunta de Goberno local, por delegación da Alcaldía, toma razón e, por unanimidade, acorda aprobar a proposta, quedando adoptados os acordos que se propoñen nela.

4.- EXPEDIENTE DE CONTRATACIÓN DA OBRA INCLUÍDA NO POS+ 2025, ANUALIDADE 2025, NOMEADA "MODIFICADO PROXECTO ACONDICIONAMENTO CUBERTA PATIO CPI VIRXE DA CELA, REPOSICIÓN PECHES PERIMETRAIS E PINTADO DE PRAZAS E ACCESO" (TEDEC 2025/C003/000004)

O Sr. Secretario-Interventor dá conta da proposta de acordo da Alcaldía con respecto a este punto da orde do día que se transcribe literalmente deseguido, do proxecto técnico, pregos, informes e resto da documentación que, como a dita proposta, consta asinada dixitalmente nos correspondentes expedientes electrónicos da aplicación Tedec relacionados con ela:

"PROPOSTA DE ACORDO QUE FORMULA A ALCALDÍA Á XUNTA DE GOBERNO LOCAL

EXPEDIENTE DE CONTRATACIÓN OBRAS POS+2025

Núm. 2025/C003/000004

Logo de ver as circulares da Deputación Provincial da Coruña, sobre a aprobación do Plan, acordos anteriores dos órganos de goberno do Concello, informe de fiscalización da fase A de autorización do gasto, demais informes, proxecto técnico, acta de reformulo e restante documentación deste expediente, e, tras considerar, á vista das características do contrato, que o procedemento aberto simplificado, co prezo máis baixo como único criterio de adxudicación, é o máis adecuado para efectuar a selección do contratista da forma máis acertada e vantaxosa na procura da mellor relación calidade-prezo e non tratarse de ningún dos contratos aos que se refire o art. 145.3. da Lei 9/2017, de 8 de novembro, de contratos do sector público (en adiante LCSP); propóñolle á Xunta de Goberno local a adopción dos seguintes acordos:

1. Aceptar expresamente a delegación efectuada pola Deputación Provincial da Coruña para a contratación e execución destas obras.

2. Xustificar a necesidade de realizar a obra definida no proxecto nomeado, MODIFICADO PROXECTO ACONDICIONAMENTO CUBERTA PATIO CPI VIRXE DA CELA, REPOSICIÓN PECHES PERIMETRAIS E PINTADO DE PRAZAS E ACCESO, por importe total de 80.862,13€,

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

aprobado polo Pleno da Corporación, na sesión realizada o 25 de abril de 2025, para dotar á veciñanza e demais usuarios das melloras que se describen detalladamente no devandito proxecto técnico, motivándoa polo estado no que se encontran as instalacións e que precisan de obras de conservación en inmobles de titularidade municipal afectados a un servizo público, resultando idóneo o obxecto e contido do proxecto para satisfacela.

3. Non aplicar a división en lotes polos seguintes motivos e consideracións relativas ás súas circunstancias e ás consecuencias que suporía para o Concello:

- A división en lotes tería un importante custo económico para o concello e implicaría unha maior dedicación do seu persoal técnico e administrativo, pola necesidade de redactar documentos técnicos independentes para cada lote que servisen de base á licitación coa seguridade xurídica necesaria para definir con exactitude o obxecto do contrato.
- Aínda que no proxecto inclúen distintos orzamentos parciais ou partes que poderían ser adxudicadas por lotes, moitas veces existen partidas comúns a todas elas, como son as relativas a seguridade e saúde, a control de calidade, a xestión de residuos, e outros conceptos cuxa aplicación aos distintos lotes esixiría realizar novos cálculos nos novos documentos técnicos para a adxudicación en lotes.
- Incrementaríase o número de expedientes de licitación que o concello tería que realizar, co conseguinte custo de tempo e de recursos persoais e materiais.
- A división en lotes suporía un atraso na adxudicación dos investimentos, e polo tanto na súa execución, pola necesidade de realizar, con carácter previo á licitación, tarefas técnicas e administrativas de división en lotes do proxecto e, como consecuencia, polo incremento do número de expedientes de contratación Concello.

4. Aprobar os pregos de cláusulas administrativas particulares e anexos que haberán de rexer a contratación de dita obra mediante procedemento aberto simplificado, que serán os aprobados para a contratación das obras comprendidas nos plans provinciais e outras obras provinciais, mediante acordo plenario da Deputación Provincial da Coruña do 26 de febreiro de 2021 e publicados no BOP número 46, do 10 de marzo de 2021.

5. Aprobar o expediente de contratación da devandita obra.

6. Proceder a súa contratación, utilizando o procedemento aberto, establecido como de utilización ordinaria, xunto co restrinxido, polo artigo 131.2 da LCSP, neste caso simplificado por encontrarse dentro dos límites do artigo 159.1 da dita norma, e cun único criterio de adxudicación, de avaliación automática, relacionado cos custos: o prezo máis baixo.

7. Dispoñer a apertura do procedemento convocándoo mediante a publicación de anuncio no perfil do contratante do Estado (<https://contratacióndelestado.es>), no que tamén se publicaran íntegros os



CONCELLO DE MONFERO (A Coruña)

pregos de cláusulas administrativas particulares, que inclúen o cadro de características do contrato, anexos, memoria xustificativa do contrato, o proxecto técnico e certificación do presente acordo. O prazo de presentación das ofertas polos licitadores será de 20 días naturais a contar desde o día seguinte ao da publicación do anuncio no perfil do contratante.

8. Aprobar o gasto correspondente, autorizándoo con cargo a aplicación orzamentaria 2025.933.2530.63900.

9. Actuará como mesa de contratación a Mesa de Contratación da Xunta de goberno local do Concello de Monfero (BOP núm.147 do 03/08/2023)

O Alcalde en funcións, Alberto Cortizas Rejo"

A Xunta de Goberno local, por delegación da Alcaldía, toma razón e, por unanimidade, acorda aprobar a proposta, quedando adoptados os acordos que se propoñen nela.

5.- ADXUDICACIÓN DE CONTRATOS MENORES

O Sr. Secretario-interventor dá conta deste expediente de contratación, do informe da Intervención, das ofertas solicitadas e das recibidas e da proposta de acordo da Alcaldía con respecto a este punto que, como a documentación citada, consta asinada dixitalmente nos correspondentes expedientes electrónicos da aplicación Tedec relacionados, e que se transcribe literalmente deseguido:

"PROPOSTA DE ACORDO QUE FORMULA A ALCALDÍA Á XUNTA DE GOBERNO LOCAL

Núm.2025/G006/000059

Asunto: ADXUDICACIÓN CONTRATO MENOR

EXPEDIENTE CONTRATO MENOR	
Número expediente	2025/C002/000018
Órgano de contratación:	Xunta de goberno local
Tipo:	obras
Obxecto:	ACTUACIÓN S PARA MELLORA DA EFICIENCIA ENERXÉTICA DE INFRAESTRUTURAS MUNICIPAIS, segundo proxecto técnico que consta no expediente.
Código CPV:	09300000-2 Electricidade, calefacción, enerxía solar ...
Orzamento:	33.641,71€
Prazo execución:	Segundo proxecto 18 días laborais, en todo caso as obras deben

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

	estar rematadas o 30/10/2025
<i>Necesidade a satisfacer:</i> (art. 118.1 da Lei 9/2017)	O Concello ten a necesidade de contratar estas obras para a realización e cumprimento dos seus fins institucionais e non conta cos medios materiais nin humanos propios adecuados ou suficientes, nin pode satisfacerse a dita necesidade con ningún outro contrato ou negocio xurídico previo en vigor
<i>Fins institucionais que pretenden satisfacerse (competencia municipal):</i>	Lei 7/1985: art.25 2a)conservación edificación Art.25 2b) outros equipamentos de titularidade municipal art. 25.2l) instalacións deportivas
<i>Financiamento:</i>	Xunta de Galicia-Fondo de cooperación local -Fondo adicional
OFERTAS (Solicitadas/Recibidas)	
RAZÓN SOCIAL	IMPORTE (IVE incluído)
ELECTRICIDAD CRUCEIRO,SL.	32.195,11
ELECTRICIDAD PERMUY S.L.	33.641,71
APEX SISTEMAS S.L.	No presenta oferta dentro do prazo concedido

Logo de ver as ofertas recibidas e o informe da Secretaría-Intervención incorporado ao expediente electrónico e considerando que o contrato é necesario polos motivos que se indican, que o seu obxecto non é susceptible da súa división en lotes, cos mesmos argumentos que constan no acordo da Xunta de Goberno local que inicia o expediente, a insuficiencia de medios para realizado, acreditada tamén no dito acordo, e que a utilización do contrato menor como sistema para a adxudicación, ademais de resultar procedente por non superar os límites para consideralo como tal, é o máis axeitado pola súa axilidade, eficacia e economía de trámite, e a reducida capacidade de xestión municipal que dificulta a utilización doutros procedementos, inxustificadas tamén economicamente polo reducido importe do contrato, propóñolle á Xunta de goberno local a adopción do seguinte acordo:

1. Informar que o contrato ao que se refire este expediente é necesario polo motivo indicado na parte expositiva do presente acordo.



CONCELLO DE MONFERO (A Coruña)

2. Xustificar que non se está alterando de maneira fraudulenta o obxecto do contrato para evitar un indebido fraccionamento del coa finalidade de prescindir da aplicación das regras xerais de contratación, de publicidade e demais requisitos.
3. Adxudicar ao licitador, Electricidad Cruceiro, S.L., no prezo sinalado, a obra que se especifica na memoria técnica e mais aprobar o gasto correspondente, autorizándoo e dispoñéndoo con cargo á aplicación orzamentaria que se reflicte.
4. Notificar este acordo á empresa adxudicataria e resto licitadoras trasladándolle que este contrato non precisa de formalización para o seu perfeccionamento segundo o art. 36.1 da citada Lei 9/2017.
5. Trasladar este acordo ao Servizo Municipal de Contabilidade e Nóminas para a realización das anotacións contables derivadas deste acordo de compromiso ou disposición de gastos.

O alcalde en funcións, Alberto Cortizas Rejo"

A Xunta de Goberno local, por delegación da Alcaldía, toma razón e, por unanimidade, acorda aprobar a proposta, quedando adoptados os acordos que se propoñen nela.

E sen máis asuntos que tratar, o Sr. Alcalde en funcións levantou a sesión, ás doce horas e cincuenta e nove minutos do día ao principio indicado, e eu, como Secretario, certifícoo.

O Alcalde en funcións

O Secretario